



ՓԻԿԶԻ ՀՐԱՇԱՓԱՌ ԵՎ ՍՈՒՐԲ ՀԱՐՈՒԹՅԱՆ ՏՈՆԻ ԱՌԹՎ
ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ ՊԱՏՐԻԱՐԷ ԵՎ
ԿԱԹՈՂԻԿՈՍ, ՆՈՐԻՆ ՍՈՒՐԲ ՕԾՈՒԹՅՈՒՆ Տ. Տ. ՎԱԶԳԵՆ Ա.
ՀԱՅՐԱՊԵՏԻ ԵՎ ՆՎԻՐԱՊԵՏԱԿԱՆ ԱԹՈՒՆԵՐԻ ՈՒ
ԱՌԱՋՆՈՐԴԱՐԱՆՆԵՐԻ ՄԻՋԵՎ ՓՈԽԱՆԱԿՎԱԾ
ՈՂՋՈՒՅՆԻ ՀԵՌԱԳՐԵՐՆ ՈՒ ԳՐՈՒԹՅՈՒՆՆԵՐԸ

ՄԵԾԻ ՏԱՆՆ ԿԻԼԻԿԻՈ ԿԱԹՈՂԻԿՈՍ, ՆՈՐԻՆ Ա. ՕԾՈՒԹՅՈՒՆ
Տ. Տ. ԽՈՐԵՆ Ա-ԻՆ (Անթիլիաս),

ԵՐՈՒՍԱԿԵՄԻ ՀԱՅՈՑ ՊԱՏՐԻԱՐԷ, ԱՄԵՆԱՊԱՏԻՎ
Տ. ԵՂԻՇԵ ԱՐՔԵՊԻՍԿՈՊՈՍԻՆ (Երուսաղեմ),

ԹՈՒՐԿԻՈ ՀԱՅՈՑ ՊԱՏՐԻԱՐԷ, ԱՄԵՆԱՊԱՏԻՎ
Տ. ՇՆՈՐՀՔ ԱՐՔԵՊԻՍԿՈՊՈՍԻՆ (Ստամբուլ),

ԲԱՐԵՆՆԱՄ ԲՈՂՈՐ ԹԵՄԱԿԱԼ ԱՌԱՋՆՈՐԴՆԵՐԻՆ
ԵՎ ԳԵՐԱՊԱՏԻՎ ԵՊԻՍԿՈՊՈՍՆԵՐԻՆ:

Այսօր երբ համայն աշխարհին վերստին կալեւովի բարի լուրը Քրիստոսի Հարության, ամենայն հայոց անմար հավատքի վեմ սուրբ Էջմիածնէն Մենք հուսացյալ սրտով կաղութենք որ յույս Հարության շնորհները բաշխվին համայն մեր ժողովուրդին որ ի Հայաստան և որ ի սփյուռս աշխարհի, հառա-վել ճառագայթում հայոց քրիստոնեական հավատքի և հառավել շինություն

ու պայծառություն մեր եկեղեցական ու ազգային կյանքին:

Մեր սրտագին մաղթանքն է հաև որ հույն շնորհներով լուսավորված ու զորացած, ձեր պատմական Աթոռը և ուխտանվեր ձեր միաբանությունը շարունակեն իրենց հոգեշեն առաքելությունը մեր Մայր եկեղեցվո միության և ներ հավատավոր ժողովուրդի միասնության ոգիով, ի մխիթարություն մեզ բոլորիս և համայն հայության:

Ձեզի, սիրեցյալ Եղբայրդ, սիրո ողջուն և ամեն բարի մաղթանք, երկնային ողորմությամբ ու օգնականությամբ:

«Քրիստոս յարեալ ի մեռելոց»:

Վ.Ա.Զ.Գ.Ե.Ն.Ա.

ՆԱՅԵՐԱԳՈՒԹՅՈՒՆ ՊԱՏՐԻԱՐԿ ԵՎ ԿԱԹՈՂԻԿՈՍ
ԱՄՆՆԱԹՆ ՀԱՅՈՑ

Ս. ԷԶՄՈՒՄԻՆ

Նմանօրինակ շնորհավորական գրություններ ուղարկվեցին նաև թմական և կենտրոնական վարչությանը և խորհուրդներին, Հայկական քարեգործական ընդհանուր միության Կենտրոնական վարչությանը (Նյու-Յորք), Գաղուստ Կյուպեճկյան հիմնարկության Կենտրոնական խնամակալությանը (Լիսաբոն), Արգարյան Ավանդի և ս. Էջմիածնի հիմնադրամի հանձնաժողովին (Լոնդոն), ս. Էջմիածնի հանձնախմբին (Բեյրութ), Վարդանանց ասպետներին (Ուտտերտաուն), Կալկաթայի հայկական ընկերության վարչությանը (Կալկաթա), գաղութային վարչություններին, հայրենակցական, մշակութային, տիկնանց, երիտասարդաց և օրիորդաց զանազան կազմակերպություններին, Մայր Աթոռի և հոգևոր ճեմարանի քարերարներին և ծանոթ ազգային դեմքերին:

Փրկչի հրաշափառ և սուրբ Հարության տոնի առթիվ Ամենայն Հայոց Վեհափառ Հայրապետի անունով շնորհավորական գրություններ ստացվեցին Մեծի Տանն Կիլիկիո Ամթիլիասի Տ. Տ. Խորեն Ա. կաթողիկոսից, Երուսաղեմի հայոց տ. Եղիշե սրբազան պատրիարքից, Թուրքիո հայոց տ. Շնորհք սրբազան պատրիարքից:

Փրկչի հրաշափառ և սուրբ Հարության տոնի առթիվ Ամենայն Հայոց Վեհափառ Հայրապետի անունով ստացվեցին նաև ամենաչերմ և հարգալից զգացմունքներով զեղուն բազմաթիվ այլ շնորհավորական հեռագրեր և մամակներ արտասահմանի և ներքին մեր բոլոր թեմերի առաջնորդներից, ազգային-եկեղեցական, մշակութային, հայրենակցական, տիկնանց, երիտասարդաց և օրիորդաց զանազան կազմակերպություններից, հայ և օտար պաշտոնական անձնավորություններից: